

und ir güter getailt alz hie nach geschriben stat, und alz si ez an uns gesehet hant.

Bi dem ersten, daz Graf Hartman sol ze tail werden Baduz die burch und waz darzu gehöret, Blumenegge die Burch und Neze derz<sup>1)</sup> und was dar zuo gehöret, swaz einend Rhns ist ez si angen oder lehen, Baduz halb und in Walgöw an lüt und an guot gesuchz und ungesuchz unß an die Languat<sup>2)</sup>, ez si phand lehen oder aigen daz soll vallen in Graf Hartmans taile und Heinrich der Schultheiz von Saneganz mit lib und mit guotte. Sich sol öch Grave Hartman verziehen aller der ansprach, die er hatt oder gehan möcht an dem guot, daz Graven Ruodolf worden ist oder werden mag ze sinem wibe<sup>3)</sup> und sol alle die brief wider geben, die er darumb hett. So ist diz der tail, der Graven Rudolf sol werden Saneganz Burg und stat und was dar zuo höret und die Vogtey ze Pfäferz und was darzuo höret, Die Frygen ze Lar und mit namen waz ime ze sinem wip worden ist oder werden mag und waz disent Rhns ist Saneganz halb lüt und guot, aigen, lehen und phand gesuchz und ungesuchz ane Heinrich den Schulthaizen von Saneganz mit lib und mit guot, der sol Graven Hartman beliben. Ez sol öch Grave Rudolf alle die Gülte gelten, da si schuldig sint uff disen hüttigen tag, ane die gülte darumb phender gesehet sint, die sol iederman lösen alz si in sinem tail gelegen sint, sich sol öch Graf Hartman hüten vor aller phandung bi dem aid alz er gesworn hat, recht ob ez sin aigen gült wäre ane alle geverde. Seva aber er der gült schadhast wurde, da sol in Grave Ruodolf unschadhast machen. Si sont öch, waz man inen gelten sol, gemainlich mit ain ander in nemen und tailen. Und wär daz man darumb phenden muoz, daz soll ainer mit des andern rat tuon, phante aber der aine ane dez andern rat, wurd er dez schadhast, den schaden sol er ainig han. Aber die gült des Heren von Mahgelan sol Graven Hartmans ainig sin, und sol im Graf Ruodolf dar zuo niht beholfen sin. Ez sol öch enweder den andern sines guotes enterben dur muotwillen bi dem aide alz si gesworn hant, ez wäre denne, ob si lib erben gewunnt

<sup>1)</sup> Müziders, Mittelpunkt der Herrschaft Sonnenberg.

<sup>2)</sup> Lanquart.

<sup>3)</sup> Ursula von Baz.